

# Adroddiad ar y Memorandwm Cydsyniad Offeryn Statudol ar gyfer Rheoliadau Deddf Peilotiaeth 1987 (Diwygio) 2019

Ionawr 2020

## 1. Cefndir

1. Gwnaed Rheoliadau Deddf Peilotiaeth 1987 (Diwygio) 2019 gan Lywodraeth y DU ar 4 Hydref 2019, ac fe'u gosodwyd gerbron Senedd y DU ar 7 Hydref 2019. Daeth y Rheoliadau i rym ar 29 Hydref 2019.
2. Mae Rheol Sefydlog 30A yn nodi bod yn rhaid i aelod o'r Llywodraeth osod Memorandwm Cydsyniad Offeryn Statudol mewn perthynas ag unrhyw offeryn statudol perthnasol a osodir gerbron Senedd y DU gan Weinidogion y DU, os yw Offeryn Statudol y DU yn gwneud darpariaeth mewn perthynas â Chymru i ddiwygio deddfwriaeth sylfaenol o fewn cymhwysedd deddfwriaethol y Cynulliad Cenedlaethol.
3. Ar 17 Rhagfyr 2019, yn unol â Rheol Sefydlog 30A, gosododd Ken Skates AC, Gweinidog yr Economi a Thrafnidiaeth (y Gweinidog), Femorandwm Cydsyniad Offeryn Statudol ar gyfer Rheoliadau Deddf Peilotiaeth 1987 (Diwygio) 2019.

## 2. Y Memorandwm Cydsyniad Offeryn Statudol

4. Mae'r memorandwm yn nodi'r canlynol:

“Amcan yr OS yw diweddarau'r diffiniad o' EEA State 'yn Neddf Peilotiaeth 1987. Mae'n ymwneud â derbyn cymwysterau gan wladwriaethau sy'n rhan o Gytundeb yr Ardal Economaidd Ewropeaidd



(AEE). Fel y'i drafftwyd ar hyn o bryd, nid yw'r diffiniad o Wladwriaeth AEE yn Neddf Peilotiaeth 1987 yn cynnwys gwladwriaethau a ddaeth yn rhan o Gytundeb yr AEE ar ôl mis Mawrth 2003 pan fewnosodwyd y diffiniad yn y Ddeddf. ”<sup>1</sup>

**5.** Mae paragraffau 6 i 10 o'r Memorandwm yn cynnwys y ddarpariaeth berthnasol i'w gwneud gan yr offeryn statudol. Mae'r memorandwm yn nodi'r canlynol:

“Y ddarpariaeth berthnasol yn yr OS yw rheoliad 2.

Mae Llywodraeth Cymru o'r farn bod y darpariaethau a ddisgrifir uchod yn dod o fewn cymhwysedd deddfwriaethol Cynulliad Cenedlaethol Cymru i'r graddau eu bod yn berthnasol i 'beilotiaeth ddatganoledig', hynny yw peilotiaeth sydd

a. sy'n ymwneud â harbwr sydd wedi'i leoli'n gyfan gwbl yng Nghymrunad yw'n borthladd ymddiriedolaeth a gedwir yn ôl; a

b. a ddarperir o fewn awdurdodaeth peilotiaeth nad yw'n ymestyn y tu hwnt i Gymru.”<sup>2</sup>

**6.** Mae paragraffau 11 i 13 o'r Memorandwm yn esbonio pam, ym marn Llywodraeth Cymru, y mae'n briodol i'r offeryn statudol wneud y ddarpariaeth hon. Mae'r memorandwm yn nodi'r canlynol:

Mae Llywodraeth Cymru o'r farn ei bod yn briodol ac yn gymesur i ymdrin â'r diwygiadau hyn yn y Rheoliadau hyn. Mae'r newid a wnaed yn un hollol dechnegol ac annadleuol, ac nid oes unrhyw newid i bolisi.”<sup>3</sup>

**7.** Ar 17 Rhagfyr 2019, ysgrifennodd y Gweinidog atom yn dweud ei fod yn bwriadu cyflwyno cynnig i gynnal dadl ddechrau mis Ionawr, “i sicrhau bod y Cynulliad yn cael cyfle i ystyried OS cyn i'r 'cyfnod gweddio' o 40 diwrnod ddod i ben, sy'n rhoi cyfle i ASau wrthod yr offeryn.”<sup>4</sup>

---

<sup>1</sup>Llywodraeth Cymru: Memorandwm Cydsyniad Offeryn Statudol (Memorandwm Cydsyniad Offeryn Statudol) ar gyfer Rheoliadau Deddf Peilotiaeth 1987 (Diwygio) 2019, paragraff 3

<sup>2</sup>Memorandwm Cydsyniad Offeryn Statudol: paragraffau 7 ac 8

<sup>3</sup>Memorandwm Cydsyniad Offeryn Statudol: paragraff 12

<sup>4</sup>Llythyr gan Weinidog yr Economi a Thrafnidiaeth, 17 Rhagfyr 2019

---

### 3. Trafodaeth

8. Trafodwyd y Memorandwm yn ein cyfarfod ar 6 Ionawr 2020.<sup>5</sup>

### 4. Casgliad

9. Rydym yn fodlon ar y Memorandwm.
10. Rydym yn nodi sylwadau'r Gweinidog yn ei lythyr dyddiedig 17 Rhagfyr 2019.
11. Rydym yn croesawu ymrwymiad y Gweinidog i gyflwyno cynnig i gynnal dadl  
mewn perthynas â'r Memorandwm hwn.

---

<sup>5</sup>Y Pwyllgor Materion Cyfansoddiadol a Deddfwriaethol, 6 Ionawr 2020.

---